



Мамлакатимизда истиқлол йилларида миллий демократик давлат куриш, иқтисодий тизимни янги асосга ташкил этиш, ҳаётимиз даражаси ва сифатини ошириш борасидаги кенг қўламли ислохотлар амалга оширилди. Бу шаҳар ва қишлоққа римиз, бутун юртимизнинг қиёфаси тобора ободлашганга, тинч ва осуда ҳаётимиз, ҳеч кимдан кам бўлмаган улғайиб келаётган етук ва баркамол, мустақил фикрлайдиган янги авлод тинчликда намоён бўлмоқда.

ИСЛОХОТЛАР НЕГИЗИДА ИНСОН МАНФААТЛАРИ МУЖАССАМ

Бу дунёда "ўзбек модели" деб эътироф этилган тараққиёт стратегияси нақадар тўғри эканлиги, халқимизнинг манфаатига тўла жавоб бераётгани натижасидир. Бу жараёнда, албатта, халқимизнинг куч-қудрати, улкан яратувчилик, бунёдкорлик салоҳияти ҳам муҳим аҳамият касб этапти. Бугун юртимизда барча соҳаларда изчиллик билан олиб борилаётган янгиланиш ва ўзгаришлар жараёни, буюк та-

рихимизга, беқиёс маънавий меросимизга, миллий қадриятларимизга бўлган эътибор мамлакатимизнинг гуллаб-яшнаши ва барқарор ривожланишига хизмат қилмоқда. Дунёнинг ривожланган мамлакатларида молиявий-иқтисодий инқироз давом этаётган бир пайтда мамлакатимизнинг иқтисодий қудрати йил сайин юксалиб, ялли ички маҳсулотнинг барқарор ўсиши, одамларнинг даромади,

харид қуввати тобора ошиб бораётгани эътиборга лойиқ. Маълумотларга мурожаат қиладиган бўлсак, ўтган 2013 йилда ялли ички маҳсулотнинг 8 фоизга ўсганлигини, саноат маҳсулотлари ишлаб чиқариш ҳажми 8,8 фоизга, қишлоқ хўжалиги — 6,8 фоизга, чакана савдо айланмаси — 14,8 фоизга ошганлигини кўрамиз. 2013 йилда иқтисодиёт соҳасидаги солиқ юки 21,5 фоиздан 20,5 фоизга,

жисмоний шахслар учун даромад солиғининг энг кам ставкаси 9 фоиздан 8 фоизга туширилганига қарамасдан, давлат бюджети ялли ички маҳсулотга нисбатан 0,3 фоиз профицит билан бажарилганлиги диққатга сазовордир. Эътиборлиси, мамлакатимизнинг иқтисодий қудрати юксалгани сайин халқимизнинг фаровонлиги ҳам тобора ошиб бормоқда.

(Давоми иккинчи бетда)

Xabar


Натижалар ва устувор вазифалар

Ўзбекистон Республикаси Олий судида умумий юрисдикция судларининг 2013 йил давомида одил судловни амалга ошириш борасидаги фаолияти натижалари ҳамда истиқболдаги устувор вазифаларга бағишланган кенгайтирилган раёсат йиғилиши бўлиб ўтди. Унда Олий суд судьялари, фуқаролик ва жиноят ишлари бўйича вилоят ва унга тенглаштирилган судлар раислари иштирок этди.

Олий суд раиси Б.Мустафоев бошқарган йиғилишда Президентимиз Ислам Каримов раҳнамолигида демократик ислохотларни янада чуқурлаштириш, фуқаролик жамиятини ривожлантиришга қаратилган изчил ислохотлар ўзининг юксак самараларини бераётгани таъкидланди. Бу жараёнда суд-ҳуқуқ тизимини ислох этиш борасида амалга оширилаётган кенг

қўламли чора-тадбирлар, соҳага оид янги қонунлар фуқароларнинг ҳуқуқ ва манфаатларини таъминлашга хизмат қилаётди.

Суд ҳокимиятининг мустақиллигини мустаҳкамлаш, судьяларнинг билим ва малакасини ошириш ва уларни ижтимоий муҳофаза қилишга қаратилган чора-тадбирлар соҳадаги ишлар самарадорлигини янада ошир-



моқда. Жумладан, давлатимиз раҳбарининг 2012 йил 2 августда қабул қилинган "Суд тизими ходимларини ижтимоий муҳофаза қилишни тубдан яхшилаш чора-тадбирлари тўғрисида" ва 2012 йил 30 ноябрда имзолан-

ган "Судлар фаолиятини янада такомиллаштиришга оид ташкилий чора-тадбирлар тўғрисида"ги фармонлари бу борада муҳим аҳамият касб этмоқда.

(Давоми иккинчи бетда)

Мамлакатимизда суд ҳокимиятини босқичма-босқич мустаҳкамлаб бориш, судни фуқароларнинг ҳуқуқ ва эркинликларини ишончли ҳимоя қилишга хизмат қиладиган том маънодаги мустақил давлат институтига айлантиришга қаратилган кенг қўламли ташкилий-ҳуқуқий чора-тадбирлар амалга ошириб келинмоқда. Айниқса, суд-ҳуқуқ соҳасини ислох қилишнинг қонунчилик асосларини янада такомиллаштиришга қаратилган ислохотлар дунё ҳамжамияти томонидан эътироф этилаётганини алоҳида таъкидлаш жоиз.

Yangi qonun mohiyati

Малакали судья кадрларни тайёрлаш тизими

бу борадаги қонунчилик асослари янада такомиллаштирилди

Президентимизнинг 2012 йил 2 августдаги "Суд тизими ходимларини ижтимоий муҳофаза қилишни тубдан яхшилаш чора-тадбирлари тўғрисида"ги ҳамда 2012 йил 30 ноябрдаги

"Судлар фаолиятини янада такомиллаштириш бўйича ташкилий чора-тадбирлар тўғрисида"ги фармонларининг қабул қилиниши суд ҳокимияти нуфузини янада ошириш, судья кадр-

ларни танлаш ва жой-жойига қўйишнинг замонавий, демократик талабларга жавоб берадиган самарали тизимини яратишда муҳим аҳамият касб этди.

(Давоми учинчи бетда)

Ўзбекистон Республикаси Олий судида

Ўзбекистон Республикаси Олий судида АҚШ халқаро ривожлантириш агентлигининг Марказий Осиёдаги минтақавий миссияси директори Ж.Эддтон бошчилигидаги делегация вакиллари билан учрашув бўлиб ўтди. Учрашувни Ўзбекистон Республикаси Олий суди раисининг ўринбосари Қ.Тоғаев кириш сўзи билан очиб, иштирокчиларнинг ҳамкорликдаги фаолиятига муваффақият тилади.

Учрашувда АҚШ халқаро ривожлантириш агентлиги вакиллари мамлакатимиз суд-ҳуқуқ тизимида амалга

оширилаётган кенг қамровли ислохотлар хусусида атрафлича маълумот берилди. (Давоми учинчи бетда)

Biz va jahon

Ҳамкорлик тўғрисидаги БИТИМ имзоланди

Яқинда Европа Иттифоқининг "Ўзбекистонда суд-ҳуқуқ тизимини ислох қилишга қўмаклашиш" лойиҳасини амалга ошириш доирасида Ўзбекистон Республикаси Олий судининг раиси Б. Мустафоев бошчилигидаги мамлакатимиз делегацияси Францияда бўлди.

Франция Кассация суди (Олий суд), Париж шаҳар биринчи босқич суди ҳамда мамлакат Адлия вазирлигида Ўзбекистон делегацияси аъзолари билан бўлиб ўтган учрашувлар чоғида Франция томони вакиллари мустақиллик йилларида суд-ҳуқуқ соҳасини ислох этиш борасида мамлакатимиз эришган муваффақиятлар билан батафсил танишдилар.

Учрашувлар чоғида Ўзбекистонда сифатли одил судловни таъминлайдиган фундаментал қонунчилик базасининг яратилиши, умумий юрисдикция судларининг ихтисослашуви, жиноий ва фуқаролик ишларининг кўриб чиқишида апелляция институтининг қўлланилишига доир маълумотлар тақдим қилинди. Шунингдек, Франция томони вакиллари Ўзбекистонда жорий этилган ярашув институти, ўлим жазосининг бекор қилиниши юзасидан фуқаролар фаол мурожаат қилаётгани, дастлабки тергов устидан суд назоратининг ўрнатилиши, судлар фаолиятининг ташкилий асосларини такомиллаштириш ҳамда уларнинг кадрлар салоҳиятини мустаҳкамлаш юзасидан кўрилатган чора-тадбирлар билан ҳам атрафлича танишдилар. Таъкидлаш жоизки, Ўзбекистонда демократик ислохотларни янада чуқурлаштириш ва фуқаролик жамиятини ривожлантириш концепцияси доирасида қабул қилинаётган мажмуавий чора-тадбирларнинг ҳаётга изчил татбиқ этилишига алоҳида эътибор қаратилди.

Ўз навбатида, ушбу сафар доирасида Франция суд тизимининг ўзига хосликлари, турли тоифадаги ишларни кўриб чиқадиган тизимларнинг ташкил қилиниши, шунингдек, судлар самарадорлигини баҳолаш мезонлари сингари мавзуларни қамраб олган тақдимотлар ҳам бўлиб ўтди. Сафар якунида Ўзбекистон Республикаси Олий суди ва Франция Кассация суди ўртасида Ҳамкорлик тўғрисидаги БИТИМ имзоланди.

"Жаҳон" ахборот агентлиги мухбири билан бўлиб ўтган суҳбат чоғида Франция Кассация судининг биринчи раиси Венсан Ламанда куйидаги фикр-муло-

ҳазаларини билдирди: — Имзоланган битим Франция ва Ўзбекистон олий суд маҳкамалари ўртасидаги ўзаро ҳамкорликнинг юридик жиҳатдан расмийлаштирилишида муҳим аҳамият касб этади. У мамлакатларимиз суд тизимларини яхшироқ ўрганиш ҳамда демократик ҳуқуқ амалиёти тажрибасини жорий қилишга имкон беради.

Ҳозирги глобаллашув замонида судьялар ва ҳуқуқшуносларнинг халқаро ҳамкорлиги биринчи даражали аҳамият касб этиб бормоқда. Бугунги кунгача Франция Кассация суди бир неча хорижий мамлакатлар билан ҳам ана шундай ҳамкорликни йўлга қўйиш ташаббуси билан чиққан эди. Биз бугун Ўзбекистон билан амалий шериклик бошлангандан мамнунмиз.

Битим имзоланиши муносабати билан Ўзбекистон Республикаси Олий суди ва Франция Кассация суди ўртасидаги ҳамкорлик самарали ҳамда ўзаро манфаатли тус олишига умид қиламиз.

Даниэль ТАРДИФ, Франция Кассация суди Палатаси раиси:

— Сўнгги икки йил мобайнида биз Ўзбекистон Республикаси Олий суди билан фаол алоқада бўлдики, у Ҳамкорлик тўғрисидаги БИТИМнинг имзоланишидек илҳомий натижага олиб келди. Бу алоқалар очкили ва ўзаро ишончга асосланган ҳолдаги фикр алмашувлар ҳамда икки мамлакат суд-ҳуқуқ соҳасида бой тажриба айирбошлаш билан изоҳланади.

Юртингизга амалий ташрифларим чоғида афсонавий ўзбек шаҳрларини бориб кўриш, халқингизнинг бой тарихи ва маданияти, қадимий ҳамда кўп қиррали тамаддуни, Амир Темур ва унинг авлодлари мероси билан яқиндан танишиш бахтига муяссар бўлганимдан мамнунман. Мазкур сафарлар менда унутилмас таассуротлар қолдирган.

Мамлакатларимиз ўртасида ҳамкорлик тўғрисида имзоланган ушбу ҳужжат икки давлатнинг суд-ҳуқуқ соҳасидаги ўзаро алоқаларини янги даражага кўтарди, деб ҳисоблайман.

"Жаҳон" АА. Париж

